

Na osnovu člana 13. Zakona o principima lokalne samouprave u Federaciji ("Službene novine Federacije BiH", broj: 49/06 i 51/09), člana 6. Zakona o građevinskom zemljištu ("Službene novine Federacije BiH", broj: 25/03, 16/04 i 67/05), Zakona o komunalnim djelatnostima ("Službene novine Tuzlanskog kantona", broj: 11/05, 7/07, 8/12 i 14/13), člana 26. Statuta Općine Banovići ("Službeni glasnik Općine Banovići", broj: 2/20), člana 91. Poslovnika o radu Općinskog vijeća Banovići ("Službeni glasnik Općine Banovići", broj: 7/06 i 9/11), Općinsko vijeće Banovići na 36 redovnoj sjednici održanoj dana 02.04. 2020 godine, d o n o s i

**ODLUKU**  
**O DOPUNI ODLUKE O PRIVREMENOM KORIŠTENJU JAVNIH POVRŠINA I VISINI**  
**NAKNADE NA PODRUČJU OPĆINE BANOVIĆI**

**Član 1.**

U Odluci o privremenom korištenju javnih površina i visini naknade na području općine Banovići („Službeni glasnik Općine Banovići“ broj 2/18, 7/18, 7/19 i 2/20) iza člana 51 dodaje se član 51a. koji glasi:

**“51a.**

„Plaćanja naknada propisanih ovom Odlukom oslobodit će se pravna i fizička lica na području općine Banovići kojima je odlukama nadležnih organa (nadležnih kriznih štabova, štabova civilne zaštite, ministarstava i dr. nadležnih organa) zbog proglašenja stanja nesreće uzrokovane pojavom koronavirusa (COVID 19) na području FBiH obustavljen rad za vrijeme njenog trajanja.

Lica iz tačke 1. ovog člana oslobodit će se plaćanja naknada za IV, V i VI ( april, maj i juni) 2020. godine.

Nadležni organ u postupku izdavanja odobrenja za privremeno korištenje javne površine dužan je obračun naknade za privremeno korištenje javne površine izvršiti u skladu sa ovim članom.“

**Član 2.**

Ova Odluka stupa na snagu danom objavljivanja u "Službenom glasniku Općine Banovići".

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA BANOVIĆI**  
**OPĆINSKO VIJEĆE**  
Broj:01-04-92/20  
Banovići, 02. 04. 2020. godine.



**PREDSDJEDAVAJUĆI OPĆINSKOG VIJEĆA**

Mermin Delagić

Na osnovu člana 13. Zakona o principima lokalne samouprave u Federaciji Bosne i Hercegovine („Sl.novine FBiH“ broj:49/06 i 51/09), člana 26. Statuta općine Banovići („Službeni glasnik općine Banovići“ broj: 2/20) i člana 91. Poslovnika o radu Općinskog Vijeća Banovići („Službeni glasnik općine Banovići“ broj:7/06 i 9/11), Općinsko vijeće Banovići na 36.redovnoj sjednici održanoj 02.04.2020.godine donosi:

## **Odluku o izmjeni i dopuni Odluke o komunalnoj naknadi**

### **Član 1.**

U Odluci o komunalnoj naknadi („Službeni glasnik općine Banovići“, broj: 9/14, 6/15, 8/17) član 8.mijenja se i glasi:

**„Od obaveze plaćanja komunalne naknade oslobađaju se, obveznici fizička/pravna lica za poslovne prostore u kojima se ne obavlja djelatnost odnosno koji su prekinule rad zbog proglašenja stanja nesreće (pandemija COVID 19), za period od 01.04.2020.-30.06.2020.godine“.**

### **Član 2.**

Lica iz člana 1.ove Odluke nisu dužna podnijeti Zahtjev za oslobađanje.

### **Član 3.**

Nakon stupanja na snagu ove Odluke rješenja za navedenu izmjenju će se donijet po službenoj dužnosti.

### **Član 4.**

Ova Odluka stupa na snagu danom objavljivanja u „Službenom glasniku općine Banovići“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKO VIJEĆE



**PREDSJEDAVAJUĆI OPĆINSKOG VIJEĆA**

Nermin Delagić

Broj:01-04-93/20  
Banovići, 02.04.2020.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06,51/09), člana 26. Statuta općine Banovići („Službeni glasnik općine Banovići“, broj:2/20) i člana 91. Poslovnika o radu Općinskog vijeća Banovići („Službeni glasnik općine Banovići“, broj: 7/06,9/11), Općinsko vijeće Banovići na 36. redovnoj sjednici održanoj dana 02.04.2020. godine, d o n o s i

**ODLUKU**  
o izmjeni i dopuni Odluke o komunalnim taksama  
općine Banovići

**Član 1.**

U Odluci o komunalnim taksama općine Banovići („Službeni glasnik općine Banovići“, broj: 5/15) u članu 10. iza stava (1) dodaje se stav (2) i glasi :  
„Od plaćanja takse iz člana 2. ove odluke oslobođeni su obveznici fizička/pravna lica koji ne obavljaju djelatnost odnosno koji su prekinule rad zbog proglašenja stanja nesreće (pandemija COVID 19) za period od 01.04.2020.-30.06.2020.godine.“

**Član 2.**

Nadležne službe i poreska uprava će svojim aktima, po službenoj dužnosti, regulisati oslobođenje plaćanja komunalne takse za obveznike iz člana 1. ove odluke.

**Član 3.**

Ova Odluka stupa na snagu danom objavljivanja u Službenom glasniku općine Banovići .

Bosna i Hercegovina  
Federacija Bosne i Hercegovine  
Tuzlanski kanton  
OPĆINA BANOVIĆI  
OPĆINSKO VIJEĆE

Broj:01-04-94 /20  
Banovići , 02.04.2020.godine



**PRESJEDAVAJUĆI OPĆINSKOG VIJEĆA**

Nermin Delagić

Na osnovu člana 13. Zakona o principima lokalne samouprave u Federaciji Bosne i Hercegovine (Sl. novine FBiH broj:49/06 i 51/09), člana 26. Statuta općine Banovići (Službeni glasnik općine Banovići broj: 2/20) i člana 91. Poslovnika o radu Općinskog Vijeća Banovići (Službeni glasnik općine Banovići broj:7/06 i 9/11), Općinsko vijeće Banovići na 36. redovnoj sjednici održanoj 02.04.2020. godine donosi:

**Odluku**  
**o izmjeni i dopuni Odluke o općim, jedinstvenim**  
**kriterijima dodjele u zakup poslovnih zgrada, prostora**  
**i garaža kojima pravo upravljanja i raspolaganja ima općina**  
**Banovići**

**Član 1.**

U Odluci o općim, jedinstvenim kriterijima dodjele u zakup poslovnih zgrada, prostora i garaža kojima pravo upravljanja i raspolaganja ima općina Banovići (Službeni glasnik općine Banovići broj:3/03, 6/07, 10/10, 1/12) iza člana 13. dodaje se član 13.a. i koji glasi: „Od obaveze plaćanja zakupnine oslobađaju se zakupoprimci fizička/pravna lica za poslovne zgrade, prostore i garaže u kojima se ne obavlja djelatnost odnosno koji su prekinule rad zbog proglašenja stanja nesreće (pandemija COVID 19) za period od 01.04.2020.-30.06.2020. godine“.

**Član 2.**

Lica iz člana 1. ove Odluke nisu dužna podnijeti Zahtjev za oslobađanje.



**Član 3.**

Nakon stupanja na snagu ove Odluke aneks ugovora o zakupu će se donijet po službenoj dužnosti.

**Član 4.**

Ova Odluka stupa na snagu danom objavljivanja u „Službenom glasniku općine Banovići“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKO VIJEĆE

PREDSJEDAVAJUĆI OPĆINSKOG VIJEĆA  
  


Broj:01-04-90/20  
Banovići, 02.04.2020. godine